

PPA LO PROTESTA DEN HENTER REINO CONTRA TRATAMENTO DI CONSTITUCION SIN INTERCAMBIO POR ESCRITO

ORANJESTAD(AAN)—Partido PPA no ta contento cu e manera cu ta ser traha ariba Constitucion di Aruba.

Segun Sr. Benny Nisbet PPA ta conciente cu tur hende ta haci esfuerzo pa logra cu e Status Aparte ta wordo introduci prome di januari 86 y ta algo cu PPA ta apoya y sostene. Sinembargo tur parlamentario ta carga cierto responsabilidad pa e futuro cas cu ta bay construi pa comunidad Arubano.

E comunidad Arubano ta bay haya un futuro Constitucion y e Consti-

tucion aki mester ta e base ariba cual ta traha e fundeshi.

"Ta depende con fuerte e fundeshi, e base di e constitucion aki ta, con bon y ki tipo di cas nos comunidad por traha ariba dje den futuro", el a laga sa.

E partidonan representan den Eilandsraad a haya e proposicion di Sr. Betico Croes, cu kier pa e Staatsregeling y e samenwerkingsrwingeling wordo trata sin e asina yama intercambio por escrito di pensamiento cu den e caso aki lo ta necesario ari-

ba nivel insular.

PPA no ta di acuerdo cu e pensamiento aki.

"Naturalmente ora cu tin un mayoria cu ta impone opinion, mester biba cu esaki. Sinembargo PPA tin intencion di protesta fuertemente den henter reino hulandes ariba e topico aki, pasobra ta ser bisa cu ya caba a trata e asunto aki den Comision di Independencia di Aruba", Sr. Nisbet a bisa.

El a señala cu ta verdad cu tabata tin cierto tratamiento den e comision di independencia, pero den e comision di Constitucion cu a haya despues e nomber di Staaatsregelingcommissie, no tabata tin representantes di partidonan politico.

"Ora cu nan proposicionnan bin den comision di independencia, ta bon conoci cu como cu Sr. Betico Croes tabata presidente di tal comision, nos di oposicion, en todo caso PPA, no tur ora y den gran mayoria di caso no tabata haya un trato igual cu otro tabata haya. Nos no ta sinti e posibilidad di por vociferar nos opinion manera nos tabata haya ta bon y haci e preguntanan y estudionan necesario.

"Pesey semper PPA a bisa cu ora cu e procedura legal cuminsa, PPA lo duna e contribucion den intercambio por escrito, den e reunion domestico di parlamento y automaticamente den e debate

den parlamento di Aruba", segun Sr. Nisbet.

El a muestra cu awor ta tende cu e intercambio por escrito no ta necesario den concepto di fraccion di MEP.

Sr. Nisbet a señala cu e mes a traha casi 6 año cu corte di justicia. "Ta asina cu ora cu tin un caso y ta wordo discuti en cuanto cierto ley, e juez ta laga busca e documentonan di tratamiento di e ley. No ta tur ora ta e teksto so di e ley ta conta, pero su interpretacion tambe su Memorie van Toelichting, e discusion cu a tuma lugar den Staten, e preguntanan cu Parlamentarionan a haci, e contestacion cu Gobierno a duna, e conclusion cu a wordo tuma, tur esaki ta hunga un rol pa juez por determina un posicion ariba un conflicto cu ta dilanti dje", el a splica.

Sr. Nisbet a muestra cu aki ta trata nos constitucion cu tin su Memorie van Toelichting pero tin tur derecho pa tin un intercambio por escrito den cual mañan cu bin discusion, diferente interpretacion ariba cualquier aspecto, sea entre politico, sea cu ta dilanti juez, pero cu tin e documentonan necesario pa por bringa un caso.

"Cu juez tin e documentacion pa e duna su conclusion, mescos ta conta pa e Samenwerkingsregeling tambe.

E areglo di cooperacion aki mester por escrito pa despues bay den debate

caminda e notulen tambe ta wordo adheri na e documento pa asina e documento, e Constitucion cu finalmente mester ser aproba y bira e base, e fundeshi pa nos comunidad por traha su hogar ariba, ta un fundeshi fuerte", segun Benny Nisbet.

Fraccion di PPA no ta di acuerdo cu e proceder manera kier hibe aki na Aruba y lo protesta contra esaki den henter reino hulandes.

E locual ta conta pa Constitucion ta conta tambe pa e areglo di Cooperacion. Tabata tin y te ainda tin un diferencia di opinion encuanto si e ley di reino mester wordo acepta cu e fecha di independencia den dje, y partido PPA a tuma e posicion di "No". Nan ta bisa cu consecucionan lo wordo sinti den futuro pero cu PPA ta dispuesto pa batalla cu credibilidad contra tal fecha.

"Sinembargo PPA ta compronde y ta apoya cu una vez cu un decision a wordo tuma, cu e ley nan cu nos mester pa nos por forma nos hogar, bin na vigor. PPA ta dispuesto pa duna un contribucion positivo den e debate pa aproba e Constitucion Arubano y tambe den e debate pa aproba e areglo di cooperacion cu lo mester existi entre Antillas di cinco y Aruba ariba diferente tereno ariba cual mester coopera cu otro. PPA ta di opinion cu e comunidad Arubano mester sigui e desarollonan politico di cerca, mester scucha tur partido politico sin excepcion, sin hinca emocion den e asunto. Ta emocion tin nos caminda cu nos ta awe", el a laga sa.



Un grupo cu por fin lo tin chance pa actua continuamente den hotelnan ta The Young Voices. Nan oportunidad a habri cu e presentacion magnifico cu nan tabata tin den teatro di Alhambra Bazar durante e preview. Ta di elogio si cu gerencia di Divi Hotels ta dunando artistanan local oportunidad pa presenta den nan shownan, treciendo asina un cambio grandi den bida nocturno hotelero ariba nos isla.

GG

GANDELMAN Jewelers
 ARUBA CURACAO

CONGRATULATIONS
 and
 GOOD LUCK
 to

ALHAMBRA
 CASINO & BAZAAR

WE ARE PROUD TO BE PART OF
 ARUBA'S MOST GORGEOUS CASINO.

SINTONIZA

Radio- Kelkboom

DIADOMINGO PA 9:30
DI MAINTA

MEP TA INFORMA

Problema cu bo aparato-
nan y instalacionnan elec-
trico, airc, frigidaire,
stoof di gas etc. etc.

BEL:

46209

Djo Farro

ZEEWIJK 13-A